

**INATSIARTUT
OMBUDSMANDIATA
UKIUMOORTUMIK
NALUNAARUTAA
1999**

04 - 3 Suliami allagaatinik paasitinneqarsinnaatitaaneq pillugu qin-

nuteqaatinik suliaqarnermi suliap suliarineranik sivisunaarsineq.

Suliami, Ombudsmandip nammineerluni misissuiffigisimasaani, kommuni pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaanni § 16 naapertorlugu akisuteqarnissamut piffissarititamik ullunik 10-nik sivisussusilimmik malinnissimanningerarlugu isornartorsiorneqarpoq.

Tamatumunnga peqatigitillugu Ombudsmandip Isumaginninnermi Naammagittaalliuuteqartarfik, suliami allagaatinik paasitinneqarsinnaatitaaneq pillugu suliami oqartussaasutut qulliunerusutut naammagittaalliorfiusinnaasutut, suliamik naammattumik sukkassusilimmik suliaqarsimanninnerarlugu isornartorsiorpaa, tassami suliami allagaatinik paasitinneqarsinnaatitaaneq

*pillugu suliat oqartussasuni qulliunerusuni naammagittaalliorfi-
usinnaasumi sukkasuumik suliarineqarnissaannik piumasagaate-
qartoqarsinnaammat, inatsimmi oqaatigineqartumi aalajanger-
sagaq oqartussaasup qulliunerusup naammagittaalliorfiusinnaa-
sup suliamik suliaqarneranut atuutinngikkaluaraangalluunniit.
(J.nr. 11.73.-10.2./75-98)*

A-p aamma B-p ernersiamik C-p sunngiffimmi sammisassaqaqtitsivim-
mit sunngiffimmi sammisassaqaqtitsivimmut allamut nuutsinneqarnissaa-
nik qinnuteqaatimik kommunimit suliarineqarneranut atatillugu pissutsit
arlallit naammagittaalliuutigaat.

Naammagittaalliummi pineqartut ilaat tassaavoq paasisutissanik er-
nersiaminnut, ernersiartaarinissaa sioqqullugu pisimasunut tunngasunik
kommunip isumaginninnermik ingerlatsiviata pigisaanik paasitinneqarnis-
saminnik qinnuteqaatip kommunimit itigartinneqarsimanera.

Ernersiaasup pissutsit sunngiffimmi sammisassaqaqtitsivimmi atugai pil-
lugit kommunip aalajangiineranut naammagittaalliuutip suliarineqarnissaa
28. marts 1996-imi itigartitsissutigineqarpoq, allaffissornermi aqutsinikkut
naammagittaalliuuteqarnissamut periarfissaq atorineqarsimanngimmat, su-
liarlu kommunimut suliarisassanngorlugu nassiunneqarluni.

Tamatuma kingorna suliaq kommunip isumaginninnermut ataatsimiitita-
liaani kommunalbestyrelsimilu suliarineqarpoq, tamatumalu kingorna A
aamma B Isumaginninnermi Naammagittaalliuuteqartarfimmut naamma-
gittaalliorput, tassanilu 10. marts 1997-imi aalajangiisoqarluni.

Tamatuma kingorna A-p aamma B-p allakkatigut 29. april 1997-imeer-
sutigut nalunaarfigaanga naammagittaalliummi pineqartut ilarpaalui tu-
nuartinneqarsimasut, matumani suliami allagaatinik paasitinneqarnissamik
kissaatigisap itigartinneqarneranut naammagittaalliuut ilanngullugu eqqar-
saatigalugu.

Suliarli misissoreerlugu aalajangerpunga, tak. Inatsisartut Ombudsman-
diat pillugu Inatsisartut inatsisaanni § 6, imm. 5, suliami allagaatinik paasi-
tinneqarnissamik itigartinneqarneranik naammagittaalliuutip kommunimit
aamma Isumaginninnermi Naammagittaalliuuteqartarfiup suliarinninne-
rannik immikkut misissuineq aallartinniarlugu, tamannalu kommunimut
aamma Isumaginninnermi Naammagittaalliuuteqartarfimmut allakkatigut
6. maj 1998-imeersutigut nalunaarutigaa.

Suliami imaattut pineqarput:

A-p aamma B-p maanga naammagittaalliuutaanni paasitinneqarnissaq
pillugu qinnuteqaataasimasut pillugit makku oqaatigineqarput:

“C-mut atatillugu allagaatit C-p uatsinnut pinnginnerani (inuunini tamarluinna-
ngajaat pisortat ataanniissimavoq) pigineqarsinnaasut qinnutigisaqattaartalarpa-
vut. Paaqqutarinninnerput pisortatigoortumik aaqinneqanngikkallarmalli børne-
hjemmi ... arlaleriarluta oqaloqatigisarsimagaluarparput - ilaatigut alianartunik misi-
gisaqarsimasinnaanera paasiniarlugu, paasinissaanut ikiornissaanullu iluaqutigisin-
naasatsinnik.

Paaqutarinninnermut immikkoortortaqaqfimmitt pulaarteqartarnitsinni tamatigut paasissutissat taakku piumasarsimagaluarpavut (kingullermik 05/09-95-imi, tamanalu angerlarsimaffimmut pulaarneq pillugu nalunaarusiami aamma takuneqarsinnaavoq. Tamatuma angerlarsimaffimmut pulaarneq pillugu nalunaarusiami 16/03-94-imeersumi takuneqarsinnaannginnera kukkuneruvoq. Pulaarnerullumi taassuma kingorna ullut marluk qaangiuttut paaqutarinninnermut immikkoortortaqaqfiup faxi ...mi isumaginninnermik ingerlatsivimmut nassiuppaa, suliami allagaatit nassiinneqarnissaat qinnutigalugu. Tamatuma kingorna taakku nukingisaarutigineqarsimanersut takusinnaanngilarput.)” (Atorfeqarfimmi nutsigaavoq).

Kommunip uannut akissutaani 23. april 1996-imeersumi imatut allasimasoqarpoq:

“...
Allagaatinik paasitneqarnissamik qinnuteqaatip akineqannginnera pillugu ...:

Angajoqqaarsiat allagaatinik paasitneqarnissamik qinnuteqaammut akissut massakkut tigusimalerpaat.

Nalunaarfigineqarput meerarsiamik siusinnerusukkut inuunera pillugu allagaatinik paasitneqarnissaminut akuerineqarsinnaanngitsut, tassami paasissutissat taamaattut inummut namminermt tunngasorpiaammata, kiisalu angajoqqaarsiaasut angajoqqaatut oqartussaassuseqartuunngimmata nakkutilliisuunatilluunniit. Allakkat bilagitut ilanngunneqarput.” (Atorfeqarfimmi nutsigaq).

A-mut B-mullu allakkani ullormi tassanngaanneersuni imatut allasimasoqarpoq:

“C-p ilissinnut pinngikkallarnermi inuunera pillugu allagaatinik paasitneqarnissarsi siusinnerusukkut qinnutigisimavarsi.

Tamanna itigartinneqarpoq, tassami ilissi tassunga nakkutilliisuunasiluunniit angajoqqaatut oqartussaassuseqartuunnginnassi, taamalu C-p inuunera pillugu allagaatinik paasitneqarsinnaatitaanasi, angajoqqaatut oqartussaassuseqartuusoq akuersissuteqariinngippat, paasissutissammi inummut namminermt tunngassuteqartuummata.

Taamatut aalajangerneq pisortat ingerlatsinerat pillugu paasitneqarsinnaatitaaneq pillugu Inatsisartut inatsisaanni nr. 9-mi 13. juni 1994-imeersumi § 4 tunngavigalugu pivoq, tak. § 12, imm. 1-imi oqaaseqatigiit siulliit.

Aalajangiineq allakkat tiguneqarnerannit kingusinnerpaamik sap. ak. sisamat qaangiutsinnagit kommunalbestyrelsimut naammagittaalliutigineqarsinnaavoq.” (Atorfeqarfimmi nutsigaavoq).

Allakkatigut 28. april 1996-imeersutigut A-p aamma B-p aalajangiineq naammagittaalliutigaat, imatut oqarlutik:

“...
 Taamatut oqaaseqarluta suliami allagaatinik paasitneqarsinnaatitaannginnitsinik aalajangiineq naammagittaalliutiginiarparput - tassami suliamilluunniit ingerlataqartoq peqatigalugu C-p siusinnerusukkut inuunerani pimasat pingaernerit misissuataarusukkaluaratsigit.

...” (Atorfeqarfimmi nutsigaavoq).

Allakkatigut 6. august 1996-imeersutigut A aamma B akineqarnissaminik nukingisaaruteqarput.

Isumaginninnermut ataatsimiititaliaq A-mut aamma B-mut 2. september 1996-imi ilaatigut imatut allappoq:

“...
C-p siusinnerusukkut inuuneranik paasissutissat eqqarsaatigalugit isumaginninnermik ingerlatsivik nipangiussisimasussaatitaavoq. Taamatut nipangiussisimasussaatitaaneq Pisortat ingerlatsinerat pillugu paasitinneqarsinaatitaaneq pillugu inatsit 1. januar 1995-imi atuutilinngikkallarmalli isumaginninnermik ingerlatsivik aamma nipangiussisimasussaatitaavoq.

Taamaattumik paasissutissanik piumallusi siullermik saaffiginnikkassili tamanna pillugu ilisimatinneqarsimannginneri ajuusaarnartorujussuavoq.

Paasitinneqarsinnaanermik C-p anaanaanit akuersissummik pissarsiniarissamut periarfissaq ilissi nammineq taavarsi. Periarfissaq taanna ilissi nammineerlusi soorunalimi sulii atorsinnaavarsi.

Suliamik ingerlatsisoq peqatigalugu C-p inuunerani pisimasut pingaernerit pillugit paasitinneqarumallusi qinnuteqaatersi akuerineqarpoq, naak allagaatinik paasitinneqarnissamik akuerineqarnissannut periarfissaqanngikkaluatoq. Ilaqutariit meerarsiaqartut pillugit immikkoortortaarfik tamanna pillugu attaveqarfigisinnaavarsi.

C-p inuunerani pisimasut pingaernerusut misissornissaannut periarfissinneqarussi allagaatinik paasitinneqarnissamik itigartinneqarnissi naammagittaalliutiginera sulii aalajangiusimanerissi allakkassinni erseqqissumik takuneqarsinnaanngilaq. Taamaattumik apeqqut taanna pillugu erseqqissumik nalunaaruteqaqqullusi qinnuigineqarputi.

...” (Atorfeqarfimmi nutsigaavoq).

A aamma B kommunimut 16. september 1996-imi imatut allapput:

“C-p inuunerani pisimasut pingaernerit suliamik ingerlatsisoq peqatigalugu misissornissaannut neqeroort atorusparput - tamannali pillugu ilaqutariit meerarsiaqartut pillugit immikkoortortaarfimmut saaffiginninniarput.

Aammattaq naammagittaalliuteqarnerput angajoqqaarsiatut aalajangiusimasallugu kissaatigaarput, tassalu suliami allagaatinik toqqaannartumik paasitinneqarsinnaatitaajumagatta, tamannalu angajoqqaarsiatut ilinniartinneqarsinnaanermut atatillugu isigineqassaaq - tassami illua'tungiusutut ullumikkormit annertunerusumik naligiissitaanerulluta ilaatinneqarnissarput kissaatigigatsigu!” (Atorfeqarfimmi nutsigaavoq).

Isumaginninnermut ataatsimiititaliap 2. oktober 1996-imi ataatsimiinnerani allaffissornikkut aqutsinerup tungaanit inassutigineqarpoq itigartitsineq aalajangiusimaneqassasoq, suliallu suliarineqarnera pillugu imatut allassimasoqarpoq:

“...
Allagaatinik paasitinneqarnissamik qinnuteqaatiminnut allaffissornikkut aqutsisoqarfimmit itigartitsineq apparit 23. april 1996-imi tiguaat. Allakkani 28. april '96-imeersuni taanna naammagittaalliutiginerpoq. Kukkusoqarnera pissutigalugu naammagittaalliut aatsaat september '96-imi suliarineqarpoq.

...” (Atorfeqarfimmi nutsigaavoq).

Tamatumna kingorna itigartitsineq isumaginninnermut ataatsimiititaliap 2. oktober 1996-imi ataatsimiinnermini aalajangiusimaannarpaa, tamatumunngalu atatillugu A-mut aamma B-mut 4. oktober 1996-imi imatut allal-luni:

“Allagaatinik paasitinneqarsinnaatitaanermik qinnuteqaatip allaffissornikkut aqutsisoqarfimmit itigartinneqarnera pillugu naammagittaalliuut 28. april 1996-imeersoq aamma 16. september 1996-imeersoq isumaginninnermut ataatsimiititaliap 2. oktober 1996-imi ataatsimiinnermini suliarai, suliami meerarsiamut C-mut tunngasumi ...

...
Allakkasi 16. september 1996-imeersut eqqarsaatigalugit suliaq kommunalbestyrelsip ataatsimiinnerani aggersumi suillermi suliarisassanngorlugu nassiunneqarpoq.” (Atorfeqarfimmi nutsigaavoq).

Itigartitsineq kommunalbestyrelsip 11. november 1996-imi ataatsimiinnermini atortussanngortippaa.

Kommunalbestyrelsip ataatsimiinneranut inassuteqaammi isumaginninnermut ataatsimiititaliamut inassuteqaat qulaani taaneqartoq nangillugu taaneqarpoq.

Tamatuma kingorna itigartitsineq kommunalbestyrelsip allakkatigut 28. november 1996-imeersutigut A-mut aamma B-mut nalunaarutigaa.

Kommunalbestyrelsip aalajangiinera A-p aamma B-p Isumaginninnermi Naammagittaalliuuteqartarfimmut allakkatigut 8. december 1996-imeersutigut naammagittaalliuutigaat.

Naammagittaalliuuteqartarfiup allattoqarfiata allakkatigut 11. januar 1997-i-meersutigut “TUAVIORTUT”-nik nalunaarneqarsimasutigut suliami paasissutissanik kommuni qinnuigaa.

Allakkatigut 27. januar 1997-imeersutigut Naammagittaalliuuteqartarfimmit 28. januar 1997-imi tiguneqartutigut Naammagittaalliuuteqartarfiup saaffiginnissutaa kommunip akivaa.

Allakkatigut 10. marts 1997-imeersutigut Isumaginninnermi Naammagittaalliuuteqartarfiup A aamma B nalunaarfigai kommunalbestyrelsip aalajangiinera Naammagittaalliuuteqartarfiup atortussanngortikkaa, tamatumunngalu peqatigitillugu ernersiamik sunngiffimmi sammisisassaqartitsivimmiitinneqarnera pillugu A-p aamma B-p naammagittaalliuutaat isummerfigaa.

Suliamik suliarinninninni oqartussanik allaffigeqatiginnittarnerit makku ingerlassimavakka:

Allakkatigut 12. maj 1998-imeersutigut Naammagittaalliuuteqartarfiup nalunaarfigaanga suliap ingerlasimaneranik allaaserinnineq Naammagittaalliuuteqartarfiup aalajangiinnerani tamatumunngalu inassuteqaammi takuneqarsinnaasoq tunngavigineqarsimasoq.

Kommunip nassuiaat una 11. september 1998-imi uannut nassiuppaa:

“Suliami allagaatinik paasitinneqarnissamik qinnuteqaatip kommunimit suliarineqarnerata ingerlanera nassuiaqquneqarsimavoq, matumani piffissaq suliap suliarineqarneranut atorneqartoq, qinnuteqaammut atatillugu misissuinerit suut kommunip

ingerlassimanerai aamma suliap ingerlanera pillugu A aamma B paasissutissanik sunik kommunip tunisimanerai ilanngullugit eqqarsaatigalugit.

Suliami allagaatit ilaat ...mit 5. oktober 1995-imi isumaginninnermik ingerlatsivimmu takkuppup. C pillugu suliami allagaatit nassiteqqullugit ...p ...mut qinnuteqaanni 18. marts 1994-imi nassiuppaa.

Angerlarsimaffimmu pulaarnermi nalunaruusiap imaqarniliornerani 5. september 1995-imeersumi oqaatigineqarpoq: "Angajoqqaarsiaasut (aamma siusinersukku taamaaliortareersimallutik) C-p inuunerani paasissutissanik amerlanerusunik inuunerata ingerlasimaneranu ataatsimoornerusumik takussutissiisinnaasunik aamma paasisaqarusupput. C inuunermini ilaatigut angajoqqaarsianit angajoqqaarsianu allanu arlaleriarluni nuuttarsimasoq kisiat nalunngilaat."

Meerarsiap inuunerani apequteqaateqarneq pillugu tassani siullermeertumik allattuisoqarsimavoq, oqaatigineqartutullu siusinersukku aamma taamaaliorimappup, tamannali uppernarsarneqarsinnaanani.

Allakkatigut uppernarsaataasinnaasut tullu it tassaappup suliami allagaatinik paasitineqarnissamik qinnuteqaammu allaffissornermi aqutsinikkoortumik 23. april 1995-imi itigartitsineq.

Allakkat taakku B-p A-llu 28. april 1998-imi akivaat, oqaatigalugulu ilaqutariit paarsaqartitsisarnerannu immikkoortortaqarfimmu oqarfigineqarsimallutik C-p inuunerani pisimasut pingaernerit pillugit paasitineqarsinnaatitaanissartik piumasaaqatigisinnaagaat, (C-llu inuunera pillugu) paasissutissat siullermik qinnutigamik kit pissarsiarisimanninnamik allaffissornermi aqutsinikkoortumik itigartineqarnertik naammagittaalliuutigalugu, tamatumunngali peqatigitillugu oqarlutik C-p siusinersukku inuunerani pisimasut pingaernerit misissorsinnaagunikkut naammagissagaluarlugu.

A-p B-llu akineqarnissartik 6. august 1996-imi nukingisaarutigaaat.

Allakkat taakku ... 2. september 1996-imi akivai, C-llu inuunerani pisimasunik pingaernerusunik misissuinissaannu angajoqqaarsiat akuerineqarlutik, tamatumunngalu peqatigitillugu qinnuigineqarlutik allagaatinik paasitineqarnissamik itigartitaanerminnu naammagittaalliuutertik aalajangiusimanerlugu aalajangiusimanninnerluguluunniit erseqqissumik nalunaarutigequllugu.

Allakkat 16. september 1996-imi tiguneqarpu, taakkunanilu A-p B-llu naammagittaalliuutaat aalajangiusimaneqarluni.

Tamanna kommunalbestyrelsi 11. november 1996-imi ataatsimiinnerani oqaluserineqarpoq, isumaginninnermullu Ataatsimiititaliap aalajangiinera atortussanngortinneqarluni.

C-p inuunera allaasereqqullugu ...p ...mut qinnuteqarsimanera uppernarsaatissaqarpiannilaq, kisianni ...mut oqarasuaatikkut arlaleriarluni attaveqartoqartarsimavoq, suliamilu allagaatit itisiliisut nukingisaarutigineqartarsimallutik, akissuteqartoqartarsimananili. Suliap ingerlanera pillugu A aamma B allakkatigut paasitineqartarsimannigilat, kisiannili A isumaginninnermik ingerlatsivimmu saaffiginnikkaangami oqaasiinnartigut ilisimatineqartarsimalluni.

..." (Atorfeqarfimmi nutsigaavoq).

Illassutaasumik nassuiaat kommunip 4. april 1999-imi kiisami nassiuppaat:

"Makku pillugit ilassutaasumik nassuiaaqquisoqarsimavoq:

1. 23. april 1996-imi aalajangiineq naammagittaalliuut Inatsisartut Ombudsmandiata allagaasigut 28. marts 1996-imeersutigut ...mut saqqummiunneqartoq tunngavigalugu aalajangiinerunersoq.

2. ... suliameq nammineq allagaatini kiisalu suliameq allagaatit oqartussanit allanit pisaarsiarineqarsimasut misissorsimanerai.
3. Suliameq allagaatinik paasitinneqarnissaminnik qinnuitigisaminni A B-lu suliameq illua'tungiullutik inissisimasutut isigineqarsinnaanerataq naliliiffigineqarsimaner-soq.

1-imut

Suliameq allagaatinik paasitinneqarnissamik qinnuteqaat pillugu aalajangiinerup 23. april 1996-imeersup misissorneqarneranut atatillugu paasineqarpoq pineqartut itigartitsinermik allakkatigut nalunaarfigineqarsimannigut.

2-mut

Suliameq allagaatinik paasitinneqarnissamik qinnuteqaatip suliarineqarnerani pi-sortat ingerlatsineranni paasitinneqarsinnaatitaaneq pillugu Inatsisartut inatsisaanni nr. 9-mi 13. juni 1994-imeersumi § 4, tak. 12, imm. 1 oqaaseqatigiit siulliit tunngavi-galugit naliliisoqarpoq.

Aappariit taakku suliameq illua'tungiusutut isigineqarsinnaanerataq soorunalimi nali-iiniarnermi ilanngullugu naliliiniartoqarsimavoq.”

Tamatuma kingorna imatut oqaaseqaateqarsimavunga:

“Pisortat ingerlatsinerat pillugu paasitinneqarsinnaatitaaneq pillugu inatsimmi §16-ip atornerarnera.

Pisortat ingerlatsinerat pillugu paasitinneqarsinnaatitaaneq pillugu inatsimmi § 16 aallaqqaasiininni issuagara § 15-imut atatillugu isigini-arneqassaaq, tassanilu imm. 1-imi aamma imm. 2-imi imatut allassima-soqarpoq:

“§ 15. Allakkiaq suliassami ingerlatsinermut oqartussanit aalajangiivigineqarsi-masuni aalajangiivigineqartussaniluunniit ilaatinneqartut paasissutissiissutigine-qarnissaat qinnutigineqarpat qinnuteqaat taanna akuersaarneqarsinnaanersoq oqartussap taassuma aalajangiivigissavaa. Suliassani allani paasitinneqarnissamik qinnuteqaatit oqartussap allakkiamik pigisaqartup aalajangiivigissavai.

Imm. 2. Paasitinneqarsinnaatitaaneq pillugu aalajangiinerit oqartussamut aala-jangiineq suliarinninnerluunniit eqqarsaatigalugu imaluunniit paasitinneqarsin-naaneq pillugu qinnuteqarnermut naammagittaalliuteqarfigineqartussanngortin-neqarsimasumut naammagittaalliutigineqarsinnaapput.”

Taamaalillutik pineqarput,

- 1) oqartussap paasitinneqarnissamik qinnuteqaammut siullertut aalaja-ngiisussap suliaq sapinngisamik piaarnerpaamik suliarissagaa, tassa imaappoq suliaq suliarineqarnera nukinginnartumik suliarineqartussa-tut salliutinneqassasoq,
- 2) oqartussap paasitinneqarnissamik qinnuteqaammut siullertut aalaja-ngiisussap, qinnuteqaatip tiguneranit ullut qulit qaangiutsinnagit taanna aalajangiiffigisimassagaa, imaluunniit qinnuteqaateqartoq ilisimatissi-massallugu qinnuteqaat piffissarititaasup taassuma iluani sooq aalaja-ngiivigineqarsinnaannginner-soq, aamma aalajangiinerup qaqugu pinis-saa naatsorsuutigineqarsinnaanersoq, aamma
- 3) paasitinneqarnissamik qinnuteqaatip itigartinneqarnera oqartussamut, suliameq paasitinneqarnissamut tunngasuni aamma naammagittaalliorfi-usussamut immikkut naammagittaalliutigineqarsinnaasoq.

Naammagittaalliorfiusussami piffissaq suliap suliarineqarneranut ator-neqartog eqqarsaatigalugu piffissaq suliap suliarneqarneranut ator-neqartog aamma nalunaaruteqartussaataitaneq pillugu § 16-imi piumasaqaataasut toqqaannartumik atuutinngillat, tassami naammagittaalliorfiusup paasitineqarsinnaatitaanermik qinnuteqaat suliarisussaangimagu, itigartinneqarnerli pillugu naammagittaalliut suliarisussaallugu.

Kisianni pisortat ingerlatsinerat pillugu paasitineqarsinnaatitaaneq pillugu inatsimmi tunngaviusumik pingaarutilik kimikillisinneqassaaq, naammagittaalliorfigineqartut paasitineqarnissamik qinnuteqaatinut itigartitsissutit pillugit naammagittaalliutinik sukkasuumik suliarinnit-tarnissaannik piumasaqaateqarfigineqanngippata.

Tassani aamma ilaavoq pisortat ingerlatsinerat pillugu paasitineqarsinnaatitaaneq pillugu qallunaat inatsisaata aamma pisortat ingerlatsinerat pillugu paasitineqarsinnaatitaaneq pillugu kalaallit inatsisaata ilusilersorneqarneranni paasitineqarsinnaanermik qinnuteqaatit suliarineqarneri ataatsimut isigalugit sukkasuumik suliarineqartarnissaasa erseqqilluinnartumik piumasaqaataanerat aallaaviusimammat.

Taamaalilluni isumaliutissiissummi nr. 857/1978-imi pisortat ingerlatsinerat pillugu paasitineqarsinnaatitaaneq pillugu inatsisip allanngor-tinneqarneranut Inatsisunik Atortitsinermut Ministeriaqarfiup 27. februar 1973-imi ataatsimiititaliaata isumaliutissiissutigisaani quppernermi 326-imi tullianilu imatut allassimasoqarpoq:

“Inatsiseqartitsinikkut atuuttut saqummiunneqarneranni takuneqarsinnaasutut pisortat ingerlatsinerat pillugu paasitineqarsinnaatitaanermik aaqquissuussinermik atulersitsinerup pisortat ingerlatsinerat pillugu paasitineqarsinnaanermi tunngaviusup allagaatit eqqarsaatigalugit annertussusiata aalajangersarneqarnissaannarinngisaa aammali paasitineqarnissamik qinnuteqaatit suliarineqarnera pillugit apeqqutit arllallit isummerfigineqarnissaat pisariaqalersippaa. Taamaalilluni tamanna a) allagaatip tunniunneqarnissaa oqartussap sorliup aalajangissaneraa apeqqummut (pisinnaatitaaneq pillugu apeqqut), b) allagaatinik paasitineqarnissamik qinnuteqaammut atatillugu suliamik suliarinninnermi malittarisassat sorliit atuutissanersut pillugit apeqqummut, naggataatigullu c) paasitineqarnissap qanoq ilusilerneqarnissaa pillugu apeqqummut, matumani allagaatit assilinerinik pisinnaanermut apeqqut ilanngullugu eqqarsaatigalugu atuuppoq.

*Ataatsimiititaliaq tunngaviusumik isumaqarpoq apeqqutit qulaani taaneqartut pillugit malittarisassanik aalajangersaanissaq eqqarsaatigalugu isumaliutersuutit **siullertut pingaarnertullu allagaatinik paasitineqarsinnaaneq pillugu apeqqutit sukkasuumik suliarineqartarnissaasa aalajangiivigineqartarnissaasalu qulak-keerneqarnissaannut sammitinneqartariaqartut.** Tamanna tusagassiutit suliffeqarfyllu allat nutaarsiassanik ingerlatseqqittartut inatsimmik taassuminnga atunermikkut sulianik soqutiginaateqartunik pisortat ingerlatsiviini suliarineqartunik innuttaasunut ingerlaavartumik ilisimatsisarnissaannik pisortat ingerlatsinerat pillugu paasitineqarsinnaatitaaneq pillugu inatsimmi anguniagaqarneq angunegassappat minnerunngitsumik annertuumillu pingaaruteqarpoq.” (Atorfeqarfimmi nut-sigaavoq).*

Aammattaaq suliap aalajangiivigineqarsinnaassaguni naammattumik paasissutissartalerneqarsimanissaa paasitineqarnissamut qinnuteqaatip aalajangiivigineqarneranut tunngaviuvoq. Taamaalilluni paasitinne-

qarnissamik qinnuteqaatip aalajangiivigineqarnera oqartussap suliamik paasinninnera pillugu innuttaasup isummersinnaanissaanut tunngaviuvoq.

Ilua tungiusutut peqataasut allagaatinik paasitinneqarsinnaanerat eqqarsaatigalugu pisortat ingerlatsineranni suliassat suliarineqartarnerat pillugu inatsimmi § 11 immikkut atuuppoq, taannami malillugu suliap aalajangiivigineqarnera aallaavittut kinguartinneqartussaammat, illua tungiusoq allagaatinik paasitinneqarnissamik qinnuteqaateqarpat, taamatullu qinnuteqaateqarneq inatsit malillugu akuerineqassappat. Ataatsimut eqqikkaallunga isumaqarpunga suliami allagaatinik paasitinneqarumanermik itigartitsinermut naammagittaalliutit sulianut naammagittaalliorfiusup suliaanut allanut sanilliulluni tulleriiaarinermi sapinngisamik pingaarnertutinneqarnissaa piumasaqaatigineqarsinnaasoq.

Piffissap suliamik suliarinninnermut atorneqartup naammaginartutut isigineqarsinnaaneraniq naliliineq eqqarsaatigalugu naammagittaalliorfiusumi piffissaq suliat suliarineqarnerannut atorneqartoq pillugu immikkut malittarisassanik tamatumunnga akerliusunik peqanngippat siullertut naammagittaalliorfiusup suliamik suliarinninnissamut ullunik qulinik piffissaqartitaanera isiginiarneqassaaq.

Aammattaaq piffissaq suliap suliarineqarneranut atorneqartussaaq aamma naammagittaalliorfiusup suliaq piffissap sivikinnerusup iluani aalajangiivigisinnaanngippagu qaqugu aalajangiisoqarnissaa naatsorsuutigineqarsinnaanersoq naammagittaalliorfiusup naammagittaalliorfumut immikkut nalunaarutigissagaa piumasarineqarsinnaasoq isumaqarpunga.

Tamanna suliat suliarineqarneranni piffissaq atorneqartoq pillugu ataatsimut malittarisassanut ingerlatsinermi kusanartumik ileqqoqarnissap kingunerisaanut naapertuuttuuvoq, tak. pisortat ingerlatsineranni suliassat suliarineqartarnerat pillugu Inatsisartut inatsisaannut Inatsisileriffiup ilitersuusaaani imm. 205 - 207:

“205. Ingerlatsinermut oqartussaasup suliassap suussusia pissutigalugu imaluunniit oqartussaaffimmi tassani suliassat nalinginnaasumik suliarineqartarnerat pissutigalugu suliassaq tiguneraniit piffissap sivikinnerusup iluani aalajangiivigisinnaanngikkuniuk oqartussaaffiup suliassamut tunngassuteqartoq nalunaarfigisariaqarpaa suliassap qanoq inissisimaneraniq aammalu ajornanngippat paasissutisillugu suliassap qaqugu aalajangiivigineqarnissaa oqartussaaffimmit naatsorsuutigineqarnerasoq.

206. Oqartussaaffiup aammattaaq suliassamut tunngassuteqartoq ilisimatittariaqarpaa suliassaq sivikinnerusumik suliarineqartussaagaluaq immikkut pissuteqartumik pisarnermit sivilisinerusumik suliarineqartariaqalerpat.

207. Suliamut tunngassuteqartumit allakkat nukingisaarutit suliassallu suliarineqarnerani piffissamik atorneqartumik naleqquttumik tunngavilersukkat ingerlaanartumik akineqartariaqarput. Akissuteqaammi ilisimatitsissutigineqartariaqarpoq suliassaq qanoq inissisimanersoq aammalu ajornanngippat ilisimatitsissutigineqarluni suliassap aalajangiivigineqarnissaa oqartussaaffiup qaqugu naatsorsuutigine-
raa.”

Tamatumunnga atatillugu oqaatigaara innuttaasoq suliami allagaatinik paasitinneqarumalluni qinnuteqartoq soorunami tassaammat suliami illua tungiusoq, pineqartup allamut atatillugu suliami illua tungiusutut isigineqannginnera apeqqutaatinnagu.

Isumaginninnermut ataatsimiititaliap suliamik suliarinninnera:

1. *A-p aamma B-p 30. januar 1996-imi uannut naammagittaalliuuteqarnerat sioqqullugu suliami allagaatinik paasitinneqarnissamik qinnuteqaataasimasut.*

Kommunip uannut oqaaseqaataani 11. september 1998-imeersuni angerlarsimaffimmuq pulaarneq pillugu nalunaarusiamit 5. september 1995-imeersumit uannut issuarneqartut sioqqullugit A-p aamma B-p meerarsiartik C pillugu paasissutissanik isumaginninnermik ingerlatsivimmuq qinnuteqarsimanersut erseqqissunik uppernarsaataasinnaasunik peqanngilaq.

Taamaattumik 5. september 1995 sioqqullugu suliami allagaatinik paasitinneqarnissamik qinnuteqaammik suliarinninnissamut kommuni pissutissaqarsimanersoq naliliiffigissallugu tunngavissaqanngilanga.

Angerlarsimaffimmuq pulaarneq pillugu nalunaarusiami taaneqartoq pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaat tunngavigalugu qinnuteqaaterpiatut isigineqarsinnaanngilaq, tassami Inatsisartut inatsisaanni § 4, imm. 3 tunngavigalugu taamatut qinnuteqaateqaammi allagaatit suliarluunniit pineqartut paasisaqarfigiomasat taaneqarsimasussaammata.

Taamaattumik qinnuteqaatip allagaatinut suliamulluunniit attuumasuteqartuunissaa tunngaviuvoq.

Tamatumunnga atatillugu paasissutissat suut pisuni ataasiakkaani suliap allagaatilluunniit paasisaqarfigiomasap suussusersinissaanut inatsisip piunasaqaataanik eqqortitsiniarluni pissarsiarineqarsinnaasut innuttaasunut ilitersuussutigissallugit ingerlatsivik pisussaaffeqarpoq.

Taamaattorli ilitersuisussaataaneq taanna inunnut suliami aalajangersimasumi allagaatinik paasitinneqarnissamut attuumasuteqanngitsumik paasissutissanik assigiinnigitsunik ingerlatsivimmit pissarsiniaanartunut atuutinngilaq.

Kisiannili paasissutissat innuttaasup kissaatigisai suliami aalajangersimasumi ataatsimoorlutik pigineqarpata isumaqarpunga pisortat ingerlatsineranni suliaasat suliarineqartarnerat pillugu inatsimmi § 7, imm. 1 malillugu oqartussat ilitersuinissaminnut pisussaaffeqartut, paasissutissat taakku suliami allagaatinik paasitinneqarnissamik qinnuteqaateqarnikkut tunniunneqarsinnaanerat pillugu innuttaasoq ilitersorneqassamat.

Suliami allagaatinik paasitinneqarnissaq periarfissaqanngitsoq ingerlatsivik naliliinermigut isumaqarpat, pisumi tassani innuttaasup suliami allagaatinik paasitinneqarnissamik qinnuteqaateqarnissaminut periar-

fissaqarnera pillugu ingerlatsiviup ilitsersuinissaanut tamatuma pisussaaffianngikkaa isumaqarpunga.

Tamanna innutaasup suliami allagaatinik paasitineqarnissamik inatsisit tunngavigalugit piumasaqarsinnaanerata oqartussat sulinerat pillugu oqartussanik paasissutisseeqquisinnaanermi nalinginnaasumit annertunerujussuuneranik pissuteqarpoq.

Suliami allagaatinik paasitineqarnissamik qinnuteqaat suliami pineqartumi paasissutissanik siumoortumik ataatsimut isiginnittumik naliliigallarnernaq tunngavigalugu itigartineqarsinnaanngilaq, suliamili allagaatit taakkunanilu paasissutissat ataasiakkaat misissorneqarnissaat tunngaviusussaalluni, tak. pisortat ingerlatsinerat pillugu paasitineqarsinnaatitaaneq pillugu inatsimmi paasissutissat aalajangersimasut ilanngunneqannginnissaannik oqartussat pisussaaffii pillugit §§-ni 12, imm. 2-mi aamma 13, imm. 2-mi aalajangersakkat.

Taamaattumik isumaqarpunga angerlarsimaffimmi pulaarneq pillugu nalunaarusiami 5. september 1995-imeersumi angajoqqaarsiat "C-p inuunera pillugu paasissutissanik amerlanerusunik" kissaateqarsinernerat pissutigalugu kommunip A suliami allagaatinik paasitineqarnissaminik qinnuteqarsinnaanera pillugu ilitsersorsimasariaqaraluaa.

2. Uannut naammagittaalliumminni 30. januar 1996-imeersumi suliami allagaatinik paasitineqarnissaminnik A-p aamma B-p kissaataat.

Uannut naammagittaalliummut atatillugu kommunimut 28. marts 1996-imi saaffiginnissutinnut atatillugu suliami allagaatinik paasitineqarnissamik kissaateqarneq kommunimi isumaginninnermut ataatsimiititaliap malugisimagaa tunngavigaara.

Kisiannili qinnuteqaat kommunip aatsaat 23. april 1996-imi akisimavaa, uanga allakkannut akissuteqarnerminut peqatigitillugu.

Taamaaliornermigut pisortat ingerlatsinerat pillugu paasitineqarsinnaatitaaneq pillugu inatsimmi § 16, imm. 2-mi ullunik qulinik piffissaqartitaanini kommunip eqqortissimangilaa, qinnuteqaammi piffissarititaasup taassuma iluani aalajangiivigineqartussammat, innuttaasorluunniit suliap killiffia pillugu nalunaarfigineqartussaalluni.

Aammattaaq ullut qulit piffissarititaasut taakku iluanni kommunip qinnuteqaammut isummersinnaannginnera pillugu paasissutissanik saqqu-misoqanngilaq, taamaattumillu isumaqarpungattaaq inatsimmi § 16, imm. 1-imi suliap suliarigasuarneqarnissaanik piumasaqaataasooq ingerlatsiviup eqqortissimangikkaa.

Taamaattumik isumaginninnermut ataatsimiititaliap suliamik suliarinninnera ajuusaarnartutut isigaara.

3. 28. april 1996-imit 4. oktober 1996-imut isumaginninnermut ataatsimiititaliap suliamik suliarinninnera.

Naak A-p aamma B-p nukingisaarutaat 6. august 1996-imeersoq isumaginninnermut ataatsimiititaliap 2. september 1996-imi akigaluaaraa, isumaqarpunga A-p B-llu suliami allagaatinik paasitineqarnissamik

qinnuteqaamminnik itigartitsineq naammagittaalliuutigalugu 28. april 1996-imi nalunaarutigisaat piffissami tamatuma akunneraniittumi isumaginninnermut ataatsimiititaliami suliarineqarani uninngaannarsimasoq.

Suliassat suliarineqartarnerat inatsimmi § 7, imm. 2 naapertorlugu ingerlatsinnermut oqartussaaffik allakkatigut saaffiginnissummik suliassarisaminut tunnganngitsumik tigusaqaruni, saaffiginnissut sapinngisamik oqartussaasunut eqqortunut ingerlateqqissavaa.

Isumaginninnermut tunngasut aqunneqarnerat aqqissuussaanerallu pillugit Inatsisartut peqqussutaat piffissami A-p aamma B-p suliama allagaatinik paasitinneqarnissaminnik qinnuteqaataannik isumaginninnermut ataatsimiititaliamit kommunalbestyrelsimillu suliarineqarnerata nalaaani atuuttoq malillugu isumaginninnermut ataatsimiititaliaq aamma kommunalbestyrelsi oqartussaapput assigiinngitsut.

Taamaattumik itigartitsinnermik nalunaarut kommunalbestyrelsimut ingerlateqqissallugu isumaginninnermut ataatsimiititaliaq pisussaaffeqarpoq.

Suliami allagaatinik paasitinneqarnissamik qinnuteqaatit pillugit suliat suliarigasuarneqartarnissaannik pingaarnerusutut piomasaaqat eqqarsaatigigaanni A-p aamma B-p allagaasa 28. april 1996-imeersut isumaginninnermut ataatsimiititaliami 2. september 1996-ip tungaanut suliarineqarnatik uninngaannarsimanerat assut isornartutut isigaara.

Taamatut isornartorsiuinera ingerlatsinnermi kusanartumik ileqqoqartussaanerup kingunerisaanik suliama illua tungiusup nukingisaarutitut allagaasa piffissamik suliap suliarineqarneranut naapertuuttumik tunngasut nalinginnaasumik ingerlaannaq akineqartarnissaannut atatillugu aamma isigineqassaaq.

Taamaakkaluartoq allakkat nukingisaarutaasut isumaginninnermut ataatsimiititaliap aatsaat 2. september 1996-imi akivai.

Angajoqqaarsiaasut naammagittaalliuuteqarnerminnik nalunaarumminni 28. april 1996-imeersumi siusinnerusukkut aamma issuaavigineqartumi allapput "allagaatinik paasitinneqarsinnaatitaannginnitsinnik aalajangiineq naammagittaalliuutiginiarparput - tassami suliamilluunniit ingerlataqartoq peqatigalugu C-p siusinnerusukkut inuunerani pisimasut pingaarnert misissuataarusukkaluaratsigit".

Allakkaminni nukingisaarutini 6. august 1996-imeersuni A aamma B ilaatigut imatut allapput:

"Ernersiatta uatsinnut pinngikkallarnerani inuunera pillugu suliama allagaatinik paasitinneqarnissamat itigartitsissut 23. april -96-imi tiguarpur.

Aalajangiineq kommunalbestyrelsimut 28. april 1996-imi naammagittaalliuutigaarput.

Qaammatit pingasut qaangiutereerneranni akissummik suli tigusaqarsimanninnerput tupigusuutigaarput."

Taamaattumik ernersiartik pillugu suliama allagaatinik kommunimiitunik paasitinneqarnissartik A-p aamma B-p kissaatigisimagaat qularuti-

gineqarsinnaanngilaq, taamaattumillu allaffissornikkut aqutsinermi naammagittaalliorfissat tamakkerneqarsimatinnagit allakkani 28. april 1996-imeersuni paasitinneqarnissamik qinnuteqaat akuerineqassanngip-pat paasissutissanik ingerlatsivimmit pissarserusunnertut oqaatigineqar-toq pissutigiinnarlugu suliami allagaatinik paasitinneqarnissamik qinnu-teqaat atorunnaassasoq ataatsimiititaliaq isumaqarnissaminut tunnga-vissaqarsimanngilaq.

Taamaattumik isumaqarpunga kommunalbestyrelsimut naammagit-taalliuutertik atuutsiinnarniarneraat isumaginninnermut ataatsimiitita-liaq A-mut B-mullu nalunaaruteqaqqusinermigut ingerlatsinermi kusa-nartumik ileqqoqqarnermut assortuuttumik iliuuseqarsimasoq.

Matumani aammattaq pingaartillugu isiginiarpara ataatsimiititaliap taamatut piumasaqarnera innuttaasunut kukkusumik isumaqalersitseqa-taasinnaasoq ataatsimiititaliamut qinnuteqaat akineqanngippat kommu-nalbestyrelsimut naammagittaalliorneq atorunnaassasoq.

Kommunalbestyrelsimut naammagittaalliuuteqarnertik aalajangiusi-mallugu A-p aamma B-p 16. september 1996-imi nalunaarutigaaat.

Isumaginninnermut ataatsimiititaliaq 4. oktober 1996-imi nalunaar-poq 23. april 1996-imi itigartitsineq 2. oktober 1996-imi ataatsimiin-nermi suliareqqinneqarsimasoq, itigartitsinerli aalajangiusimaniarlugu ataatsimiititaliaq aalajangersimasoq. Tamatumunnga peqatigitillugu na-lunaarutigineqarpoq suliaq kommunalbestyrelsimut ingerlateqqinneqar-simasoq.

Suliap ataatsimiititaliami suliarineqarani 2. september 1996-ip tu-ngaanut uninngatinneqarsimaneramik isornartorsiuininnut uiggiullugu taamatut isorisarialerujussuartut isigaara suliap kommunalbestyrelsimi suliareqqitassanngorlugu nassiuinneqarnissaa ataatsimiititaliap aatsaat 4. oktober 1996-imi pissutissaqartissimamagu.

Immikkut oqaatigissallugu pissutissaqarpunga isumaginninnermut ataatsimiititaliap suliamik sularinneqqinnissamik aalajangiinerata su-liap kommunalbestyrelsimut ingerlatinnissaanut ataatsimiititaliap pisus-saaffianngikkaa. Suliap suliareqqinneqarnera pissutigalugu suliap kom-munalbestyrelsimut naammagittaalliorfittut pisinnaatitaaffeqartumut isumaginninnermut ataatsimiititaliap nassiutinngimmagu tamanna im-mini kukkuneruvoq isorisarialik.

Kommunalbestyrelsip suliamik suliarinninnera pillugu:

Oqaatigineqarpoq isumaginninnermut ataatsimiititaliap suliaq 4. ok-tober 1996-imi kommunalbestyrelsimut ingerlateqqissimagaa, taannalu suliap tiguneqarnerata kingorna nalinginnaasumik ataatsimiinnermi si-ullermi 11. november 1996-imi aalajangiisimasoq, aalajangiininilu A-mut aamma B-mut 28. november nassiussimallugu.

Suliami allagaatinik paasitinneqarnissamik qinnuteqaatip itigartinne-qarnera pillugu naammagittaalliuummik oqartussap naammagittaallior-fiusup suliarinninnera pillugu qulaani ataatsimut tunngatillugu oqaatigi-

neqartut isiginiarlugit isumaqarpunga suliap manna tikillugu ingerlasi-manerata suliallu kommunalbestyrelsimit tiguneqarnermi kingorna qaammat ataaseq sinnerlugu qaangiutereersoq komunalbestyrelsip nalinginnaasumik ataatsimiinnerani siullermi aatsaat saqqummiunneqarsinnaasimanerata suliap nukinginnartutut borgmesterimit suliarneqartariaqarnerata eqqarsaatigineqarnera kingunerisimasariaaqaraluarpa, tak. kommunalbestyrelsit nunaqarfinnilu aqutsisut il.il. pillugit Inatsisartut inatsisaanni § 33, imm. 1.

Taamaattumik isumaqarpunga suliap aalajangiivigineqarnera pillugu kommunalbestyrelsip A-mut aamma B-mut aatsaat 28. november 1996-imi nalunaaruteqarnera ajuusaarnartorujussuusoq.

Isumaginninnermut ataatsimiititaliap aamma kommunalbestyrelsip naammagittaalliornissamik ilitsersuinerat pillugu:

Isumaginninnermut ataatsimiititaliap aamma kommunalbestyrelsip aalajangiinnerminni naammagittaalliornissamut sapaatit akunnerinik sisamanik piffissaqartitsoqartoq oqaatigisimavaat.

Naammagittaalliornissamut piffissaliussat isumaginninnermut malittarisassani nalinginnaasuupput.

Naammagittaalliornissamulli immikkut piffissaliussat taamaattut suli-ami allagaatinik paasitinneqarnissaq pillugu aalajangiinerit naammagittaalliutigineqarnissaannut sunniuteqanngillat, isumaginninnermi malittarisassani pineqartuni naammagittalliornissamut malittarisassani allanik aalajangersaasoqarsimanngippat.

Taamaattumik isumaqarpunga isumaginninnermut ataatsimiititaliap aamma kommunalbestyrelsip isumaginninnermi malittarisassat tunngaviginagit pisortalli ingerlatsinerat pillugu paasitinneqarsinnaatitaaneq pillugu inatsit tunngavigalugu aalajangiisarnerminni naammagittaalliornissamut sapaatit akunnerinik sisamanik piffissaliisarsimanerat kukkunerusoq isorisarialik.

Tamatununga atatillugu oqaatigaara naammagittaalliornissamut inatsisitigut tunngaviligaanngitsumik piffissaliisimanermik qaangiinerup naammagittaalliummik suliarinninnissamik itigartitsineq soorunami kingunerisinnaanngikkaa.

Isumaginninnermi Naammagittaalliuuteqartarfiup suliamik suliarinninnera pillugu:

Suliami allagaatinik paasitineqarnissamik qinnuteqaatip itigartinneqarneranik kommunalbestyrelsip atortussanngortitsinera A-p aamma B-p 8. december 1996-imi naammagittaalliuutigaat.

Isumaginninnermi Naammagittaalliuuteqartarfiup suliami allagaatit 11. januar 1997-imi kommunimit pissarstariarparai, taakkulu kommunip Isumaginninnermi Naammagittaalliuuteqartarfimmu 27. januar 1997-imi nassiuppai.

Tamatuma kingorna Isumaginninnermi Naammagittaalliuuteqartarfik 10. marts 1997-imi aalajangiivoq.

Ataani oqaatigineqartutut suliamik suliarinninnermi malittarisassat immikkut ittut piffissamut suliap suliarineqarneranut atorneqartumut sunniuteqarsinnaasut naammagittaalliuuteqarfimmuut atuunnerat apeq-qutaatinnagu suliami allagaatinik paasitinneqarnissamik qinnuteqaatit itigartinneqarnerinut naammagittaalliuutit suliarineqarnerini piumasarineqartutut suliap suliarineqarnera nukingiussimanerlugu naammagittaalliuuteqartarfiup upernarsarsimanngilaa.

Taamaattumik Isumaginninnermi Naammagittaalliuuteqartarfiup suliami tassani aatsaat 10. marts 1997-imi aalajangiisimanagera ajuusaarnartorujussuuartut isigaara, oqaatigalugulu

- naammagittaalliuuteqartarfiup ernersiamik sunngiffimmi sammisassaqarfitsivimmit allamit sunngiffimmi sammisassaqartitsivimmut allanut nuutsinneqarnera pillugu A-p aamma B-p aappasaanik naammagittaalliuutaasa suliarineranut peqatigitillugu suliamik taassuminnga aatsaat suliarinninneranut tunngavilersugaasumik pissutissaqarsimanngitsoq, aamma
- suliaq siusinersukku suliarineqarsinnaasimannginnersoq naammagittaalliuuteqartarfiup oqaatigisimanngikkaa.

Isumaginninnermi Naammagittaalliuuteqartarfiup nalunaaruteqartussaaitaanera pillugu immikkut oqaatigisassat:

Isumaginninnermut tunngasut siulersorneqarnerat aqqissuunneqarnerallu pillugit Inatsisartut peqqussutaanni nr. 8-mi 10. oktober 1979-imeersumi § 8-imi Inatsisartut peqqussutaatigut nr. 10-kkut 18. oktober 1988-imeersukku allannortinneqarsimasumi Isumaginninnermi Naammagittaalliuuteqartarfiup suliamik suliarinninnera pillugu malittarisassat immikkut ittut aalajangersarneqarsimapput, matumani naammagittaalliuuteqartarfiup ilaasortai allakkatigut oqaaseqaateqartereerlugit siluittassup aalajangiisinnaanera ilanngullugu eqqaarsaatigalugu.

Suliamik suliarinninneq pillugu malittarisassat immikkut ittut taakku piffissamut suliap suliarineqarneranut atorneqartumut qularnanngitsumik sunniuteqarsinnaagaluarput.

Taamaattumik isumaqarpunga naammagittaalliuuteqartarfiup A aamma B tamanna pillugu ilisimatissimasariaqaralarai, tak. suliaassat suliarineqartarnerat pillugu inatsit pillugu ilitsersuummi immikkoortoq 205, qulaani issuagara.

Naggataatigut isumaginninnermut ataatsimiititaliap aamma kommunalbestyrelsip suliamik suliarinninnerannut atatillugu kukkunerit qulaani saqqummiussakka naammagittaalliuuteqartarfiup kommunimut uparus-sissutigisimanngimmagut ajuusaarnartutut isigaara.

Oqaaseqaatika allat:

Suliami allagaatinik paasitinneqarnissamik qinnuteqaatiminut itigartitsinerit naammagittaalliuutiginnissaat kissaatigiunnaarlugu A-p aamma B-p nalunaarfigereeraannga suliaq manna suliami allagaatinik paasitinneqarnissamik qinnuteqaatit suliarineqartarnerat pillugu inger-

latsivimmi ingerlatsineq pillugu malittarisassat immikkut ittut tunngavigalugit suliassannngortinneqarsimammat aalajangiinerit paasissutitalersorneqarnermikkut eqqortuussusiat erseqqinnerusumik misissorsimangilara.

Makkuli maluginiarsimavakka:

A aamma B suliami illua tungiusutut imminnut isigisimapput, isumaqarpungalu tamatuma isumaginninnermut ataatsimiititaliaq aamma kommunalbestyrelsi immikkut naliliinissaannut pissutissaqalersissimasariaqaralarai suliami allagaatinik paasitinneqarnissamik qinnuteqaat suliassat suliarineqartarnerat pillugu inatsimmi kapitali 4-mi peqataasup suliassamut tunngasunik ilisimasaqarnera tunngavigalugu aalajangiisoqassanersoq, imaluunniit maani pisimasutut pisortat ingerlatsinerat pillugu paasitinneqarsinnaatitaaneq pillugu inatsit tunngavigalugu aalajangiisoqassanersoq.

Tamatumunnga atatillugu oqaatigaara kommuni pillugu suliambut allamut tunngasumi ima oqarama, angajoqqaarsiat suliame pisutsinut meerrarsiamik atugaannut attuumassuteqartuni suliame illua tungiusutorpiaq inissisimasutut isigineqarsinnaasut.

Taamaattumik ataatsimut naliliineq aallaavigalugu meerarsiaq pillugu suliame angajoqqaarsiat illua tungiusutut inissisimanerat isumaginninnermik ingerlatsivimmi itigartitsissutigissallugu tunngavissaqanngilaq.

Angajoqqaarsiat suliap taassuma allagaatitaanik paasitinneqarnissamik qinnuteqaateqarfigisaminni suliame illua tungiusut isigineqarsinnaanerit suliame pineqartumi taakku soqutigisaasa erseqqissumik nalilivigineqarnerisigut aalajangiivigineqartariaqarpoq.

Aammattaaq paasivara suliame imaluunniit suliame allagaatinik paasitinneqarnissamik qinnuteqaatigineqartuni allagaatit ilaannik ilanngus-sinnginnissaq siunertaralugu kommunimi oqartussat misissuisimanersut nalorninartoqartoq, tak. pisortat ingerlatsinerat pillugu paasitinneqarsinnaatitaaneq pillugu inatsimmi § 12, imm. 2.

Naggataatigut malugaara A-p aamma B-p suliame allagaatinik paasitinneqarnissaminnik qinnuteqaataat meerarsiamik C-p meerarsiartaarinnnginnerani suliambut tunngasuusoq, kiisalu A aamma B suliame allagaatinik paasitinneqarnissamik qinnuteqaatimik itigartinneqarnerata siullermik kommunalbestyrelsimut tamatumalu kingorna Isumaginninnermi Naammagittaalliuteqartarfimmu naammagittaalliuteqarnissaminnik innersuunneqarsimasut.

Isumaginninnermili malittarisassaqarpoq kommunimi suliarinninerup ataatsip kingorna Isumaginninnermi Naammagittaalliuteqartarfimmu naammagittaaliornissamik periarfissiisunik.

Tassani pingaartumik pineqartoq tassaavoq meeqqanik angerlarsimaffiup avataanut nukinginnartumik inissiisarneq, tak. meeqqanik inuu-

suttunillu ikiorsiisarneq pillugu Inatsisartut peqqussutaanni nr. 9-mi 30. oktober 1992-imeersumi § 18, imm. 3.

Suliami A-p aamma B-p allagaatinik paasitineqarnissaminnik qinnuteqaateqarfīgisaanni allagaatit aalajangiinernik Isumaginninnermi Naammagittaalliuuteqartarfimmut toqqaannartumik naammagittaalliuutigineqarsinnaasunik ilaqarpata suliami allagaatit taamaattut pillugit paasitineqarnissamik qinnuteqaatinik itigartitsinerit eqqarsaatigalugit isumaginninnermut ataatsimiititaliaq pisussaaffeqarsimavoq A aamma B ilitsersussallugit itigartitsineq Isumaginninnermi Naammagittaalliuuteqartarfimmut toqqaannartumik naammagittaalliuutigeqqullugu, tak. pi-sortat ingerlatsinerat pillugu paasitineqarsinnaatitaaneq pillugu Inatsisartut inatsisaanni § 15, imm. 2.”